

封邱縣續志卷十九

掌故

附志一

禁差繞道

掌故二

知縣駱文光請檄飭延祥兩縣以後供送差使由董家堤黑堽口驛路正站行走通稟

敬稟者窺查卑縣本係河北荒僻小邑向非通衢驛站自咸豐三年以後征調頻仍兵差絡繹隣封延津縣藉詞渡口下移妄行扳累凡有西道差使皆送至封邑更換車馬四年春間卑前縣杜令因兵差接踵而至催車過迫遂致鄉民聚衆闖堂入署滋鬧杜令僅以身免甚至印信遺失釀成鉅禍接任之員因見民情疑慮辦公棘手不得已邀請四鄉大戶紳衿設立公局此後差使統由公

封邱縣續志

卷十九 掌故二

一

開封新豫印刷所承印

局紳董代爲雇覓車輛支應其所需夫馬喂養飯食例價不敷仍係按地派錢公同攤辦數年以來竭蹶支持民不堪命上年供送大兵差共計六十九次民間費用不下一萬餘金卑縣地面廣袤不及百里西北鄉皆係沙鹼斥鹵之區南近河堤地多沙壓東北鄉地土稍腴又遭水患至今錢糧停緩尙未啟征加以連年被旱歉收村里蕭然卑職抵任兩月每於下鄉接見父老訪以民間疾苦僉稱近年因差使繁重一年所入不敷辦公現在有地一二頃之家皆成鵠面鳩形食糠覈而不飽者卑縣境內征收錢漕向分二十六社所需車馬亦按社之大小公攤社分大者以四十畝地爲則社分小者以二十畝地爲則上年差使較多每畝出錢至一百數十文核計所費重於錢漕正供是以各鄉民等一見差使到境無不魂胆俱消竟有情願棄地而不得者卑職身任地方具有

天良果係民間應支差使自不能任其違悞若本非應辦之差而徒受隣封之
扳累陷閭邑人民於水火而不知救亦非盡職之道也卑縣民情雖素稱淳樸
然近年以來因受差派之累愁苦之聲徧於鄉里公局首事人等類多蹙額相
告若不再予體恤恐復激而生變卑職因查延津驛站夫馬自順治年間蒙前
撫憲貴奏定之後永不准扳累封邱民到於今感念不忘乃二百餘年遵守不
易之程站忽藉詞河口遷徙擅改定章殊非情理要知柳園口東自陳橋起西
至黑堽口止綿長二十餘里渡口雖改易靡定總不出此二十餘里之內柳園
口係延祥兩縣驛站正道從前差使往來何以絕無改道之說卽或河口漸往
東挪道路較遠亦當與祥符彼此商酌照例在於河口添設腰撥以資接替總
不當妄扳無駟州縣代爲支差延津每年額設夫馬工料不下八九千兩尙稱

差繁缺苦賠累不支卑縣僻處偏隅民力罷敝又無絲毫領款可以津貼小民
筋力幾何其能當此繁重之差乎前數年因河口移至陳橋前憲台又有河口
在陳橋以下暫由封邱更換車馬之議該縣遂不問河口遠近凡有用車用馬
差使一概送至卑縣交替幾已視爲固然牢不可破今查黑堽口自河憲移駐
以來已設埠頭所有延祥兩縣駟遞公文摺報現均由黑堽口行走北岸至董
家堤卽係延祥兩縣正站駟路祥符向在此處設立腰撥延津至董家堤計程
三十里董家堤由黑堽口渡河至省計程三十五里南北併計僅止六十五里
道路徑直半日可至該縣等自應遵照舊制無論何項差使統由董家堤黑堽
口行走不得再事繞越乃延津縣又以該處船少不能濟渡爲詞乃復舍近圖
遠混行推諉其意存取巧不顧隣封受累莫此爲甚若不據實稟請裁定則驛

路永無歸正之日卑縣民困何日得甦再查陳橋以下逼近蘭儀現當捻氛不靖迭奉查撤私渡所有陳橋渡船自應全數提至黑堽不准該堽頭等再往下挪移果能如此辦理不但河防以此渡口益昭慎密即卑縣與延津亦不必以口舌相爭駟路自歸正站矣卑職爲亟蘇民困起見不得不覲繼瀆陳爲此繪具圖說稟請大人察核迅賜檄飭祥符延津兩縣以後一切差使統由董家堤黑堽口行走並將陳橋船隻全行提至黑堽以資利渡倘卑縣鄉民從此得免支車馬之累則感荷憲仁奚啻拯飢救溺實恩垂萬禩也肅此具稟恭請福安伏乞垂鑒

咸豐十一年四月初六日

府憲厲 札封邱縣知悉咸豐十一年十一月二十六日蒙按察司札咸豐十

封邱縣續志

卷十九 掌故二

三

開封新豫印刷所承印

一年十二月初二日奉總河部堂黃批本司呈祥延兩縣供送差使應由正站支應不准繞道無駟之封邱行走以杜爭端請示飭遵詳由奉批來詳已悉候撫部院批示遵行此覆又於十二月初十日奉巡撫部院嚴批據詳尙屬平允仰即轉飭遵照辦理毋任推諉仍候河部堂批示繳各等因奉此除行開封府飭遵外合行札飭札到該府立即轉飭遵照辦理毋任推諉切切又蒙河北道批同前由蒙批據稟延祥兩縣差使應由正站支應以免偏累持論甚確惟事隸臬司主政既經徑稟仰候臬司核辦示遵繳又准開封府移開爲移會事咸豐十一年十一月二十九日蒙按察司王批敝府會稟延祥兩縣供送差使應由正站支應遵飭核議稟由蒙批已據稟詳請撫憲核示俟奉批示另檄飭遵至柳園口既可設渡該府即札飭祥符縣諭令該堽

頭等提集渡船以歸正站勿任遲延仰即移會衛輝府一體知照繳等因到府蒙批除抄稟札飭祥符縣遵照辦理外擬合移會爲此合移請煩查照望速施行各等因蒙此查此案前據該縣通稟請將驛站差使仍歸延祥兩縣支應等情蒙各憲批飭核議等因嗣經本府會同開封府核議稟請臬憲暨河北道憲轉稟在案茲奉前因除飭延津縣遵照外合亟抄稟札飭札到該縣即便知照毋違

撫河藩臬軍需局諸批從略

同治元年正月十四日

知縣駱文光爲延津不遵定章仍將差使送來請申明定例嚴飭遵守通稟敬稟者竊卑職前因延津差使不按正站行走卑縣鄉民困累難支請飭祥延兩縣徑行遞送不准繞道封邑等情稟請

撫台河憲

批飭妥議詳奪嗣蒙前憲台稟

封邱縣續志

卷十九

掌故二

四

開封新豫印刷所承印

蒙臬憲以祥延兩縣供送差使應由正站行走倘必須繞道住宿封邱城內則封邱有管轄之責飭令卑縣派撥差保地方一體伺護所有車馬等項仍應由有驛之延津祥符支應不得派累無驛之封邱以杜爭端等因詳蒙

撫台河憲

批飭遵照在案卑職當即移會祥延兩縣一體遵辦一面邀集紳民傳諭鈞示而該紳民等僉稱從此不特苦累得免抑且身家可保均皆同深感戴詎知祥符縣已遵定章南來差使徑送延津乃延津竟置鈞諭於不問所有西來一切人犯餉鞘以及兵差軍裝等項仍然送至卑縣交替抗不遵辦卑職屢次與該縣徐令婉切函商乃徐令只知自便不顧以隣爲壑本年三月間糧道由衛郡回省需用行李車十餘輛應由延津徑送祥符該縣徐令帶領衙役二三十名隨至卑縣西關外亦不與卑職見面喝令衆役將糧道行李卸棄聲言如封邱差役

攔阻扣留一車一馬卽捆送延津懲處卑職因徐令既似此非情非理若與之爭鬥滋事非特有負憲恩亦覺見笑於同官是以不復與之較量任其將車馬驅赴而回此係糧道日擊情形而該縣徐令從此愈以爲得計凡遇差使到境先言延津係苦缺車馬不便又稱封邱車馬係民間供應並不費事必督令到卑縣更替始如其願殊不思該縣係有驛之地每年支銷七八千金所辦何事所支何差至延津之差繁缺苦人人皆知是以攤捐一切皆蒙憲恩格外體諒較他邑爲減徐令何得圖便一己之私忘其所以卑縣車馬雖出民間實係萬民膏血咸豐四年因派車馬鄉民聚衆闕堂燒燬衙署搶失印信今尙懸案未結上年縣境疊被匪擾民間益形凋敝本年春間勝帥統兵南下閤邑紳民供辦車馬所費又不下數千串且受降衆之騷擾難以言語形容卑職所以能與

紳民等勉力支持並錢漕能征及分數城工能尅期報竣不致藉口爲難者實因遇事曲體大人仁民愛物之心又爲請復驛站之舊小民用是感激是以一切尙無貽悞今延津縣徐令既抗不遵照憲定章程必欲扳拉封邱更換車馬以陷閤邑人民於水火此與吞噬隣邑百姓之血肉有何異也且使卑職無以取信於民以後差使甚多閤邑紳民皆知已奉憲批不支車馬設或如咸豐四年之激成事端不但卑職有負大人委任之意亦無以對閤邑紳民故不敢不再觀縷瀆陳爲民乞命卑職正在具稟間延津縣徐令又以遞解人犯向由卑縣行走稟奉憲台議令秋冬日短斬絞立決重犯由卑縣接遞其斬絞監候並遣軍流徒人犯仍由延津徑送祥符等因行知到縣卑職復查延津此稟係借慎重遞犯爲名暗爲取巧之地此端一開則以後無論何項差使皆可以藉此

推諉矣因思解送人犯餉鞘向係按正站行走定例不准繞越如有因繞走小道而致疎失者僉差與押解之員役處分特嚴今查彰衛兩屬招解案犯例應由延津徑送祥符如偶因風雨阻滯當日不能渡河勢不能將人犯露宿河灘自當遵照定章借羈卑縣監獄以免疎虞卽如現在懷慶府屬陽武等縣解送人犯餉鞘因上游趙庄口等處戒嚴皆改由柳園口過河如遇日晚亦係借羈卑縣獄庫但不能因此而令卑縣更換車馬護解且查前項人犯由省發回祥符縣皆係徑送延津從不行走封邱同一程途而延津縣何以止送半站獨令卑縣爲其接遞况延津到省計程止七十餘里卑縣送省亦有五十餘里道路遠近所差有限該縣徐令不過藉遞解人犯之名小試其詭避之計其注意實不在人犯而在車馬也該縣所用係驛站車馬尙欲巧爲避就不肯過河卑縣

所派民車民馬其肯甘心樂從爲延津代送差使乎卑職再四籌酌欲去封民之害而杜延津諉卸之弊惟有再請申明定例嚴爲禁約應請嗣後各項差使均由延津徑送祥符如延津縣不遵定例擅將溜知護票送至封邑者准卑縣據實稟請參撤至彰衛兩屬招解人犯如遇風雪阻滯一日不能過河無論何時亦無論罪犯輕重准照例借羈卑縣監獄以昭慎重其應需車馬護解仍係原解原送封邑概不更換以符原定章程庶延津縣無巧可取不致再有爭端而卑縣閭邑民困得藉以蘇息矣卑職爲地方民生起見不嫌冒昧合再稟請大人恩察俯賜批飭遵照實爲德便肅此具稟恭請福安伏乞垂鑒

同治元年七月初二日

知縣駱文光請飭祥符縣取具瑛頭甘結以後渡口祇准挪至辛店口以上不

准再往下挪夾單

再稟者竊查封邱本係沿河小邑屢受河患境內居民遷徙靡定並無殷實之家從前河工經費充裕沿堤小民多藉工需以圖生計而且僻處一隅從無差使之擾民生不見外事尙能安於簡陋自咸豐五年蘭儀決口以後卑縣東鄉全被水淹又加軍需旁午大工停緩小民生計蕭條地方日形凋敝此卑縣今昔情形之所以不同也然封邑之爲民害者尤在於河口下移陳橋延津縣妄行扳累上年卑職先曾具稟雖已言其大略但民間所以受害之備細尙有未盡今再爲一詳陳之卑縣自乾隆年間知縣陳所蘊定有牌車牌馬之例鄉民有地一頃令其支馬一匹以馬四匹合支車一輛當初原定牌馬一百五十匹牌車一百七十二輛遇有尋常例行之差皆用牌車牌馬以資供送編列字號

封邱縣續志

卷十九 掌故二

七

開封新豫印刷所承印

輪流當差周而復始以杜差役地方臨時派擾之弊民間稱便迨至咸豐四年前憲台有河口在陳橋以下暫由封邱更換車馬之議從此封民受代支驛站之累不能安於畎畝家室矣卑職到任年餘每接鄉民控籲征徭之累者不覺惻然心動封邑地土礮薄每畝錢漕兩項不過用錢一百文有地一頃之家每年不過用錢十千即可將正項錢漕掃數完納今查該鄉民等供支牌車牌馬所費錢文不但重於錢漕正供而且數倍而不止也道光年間每馬一匹包給差役代支一年止須用錢四五千文近年因改成衝衢大道需用車馬繁多差役無法包支鄉民喂養牲口相依如命又未敢親自供送因而逐漸加增現在每馬一匹每月至少輪支四五次每支過河差一次出雇價錢一千五百文每月支差四次卽須用錢六千文總計每年非用錢六七十千不可該鄉民終歲

勤動一頃地內每年所獲幾何豈能辦此又加連年歉收民間無力支持先則去地應差後則賣男鬻女求去牌馬之名是以近四五年以來供牌馬一百五十匹內以陸續開除九十餘匹目下止剩五十餘匹牌馬愈少差使愈重現時該鄉民等以地多爲禍相戒不肯買足一頃之地其原支牌車牌馬之家因地畝無人承買差使無力支應竟有棄地而逃者各鄉首事地方因差使無人承當公議有地七十畝以上者亦令支牲口一頭此端一開則四鄉并七八十畝之戶亦無矣勢必致於田畝拋荒人民逃散而後已此不過指牌車牌馬供應尋常差使而言其苦累已如此遇大起兵差則無論地多地少又須按畝攤辦其名爲軍需差小民受害更甚於牌車牌馬古人云苛政猛於虎卽此類是也是以國家分設驛站例有額定夫馬不准稍有短缺原因驛站差使繁多最易

擾民斷不能責之鄉里小民以供大道差使也而延津縣徐令不知政體乃於接奉憲台批定程章之後又欲借端扳累其過往委員公差亦只知卑縣有牌車牌馬係民間支應可以半途折價訛索延津縣又措不給號車號馬百計督令到封邑更換因此數年以來習成固然牢不可破而不知卑縣車馬係民間膏血有多少傾家蕩產賣妻鬻子以供此差者上年卑縣民人王溥因借欠差錢無償中保人欲準折其妻女以致釀成命案此其明證咸豐四年驟令民間支應軍需車馬衆心不服以致縣署被燒後經接任之員奉札掣辦鄉民被極酷而死者不下數十人幾成冤獄自是以後鄉民雖痛心疾首而不敢聚衆滋事然上年被匪之後民心思亂又不及前數年之安定也卑職身任地方當知一縣之事果係民間應支之差自不能因民窮財盡藉口免辦今因受隣封之

扳累使閭邑小民拋棄田閭妻子離散而不爲之上達亦屬有負此職上年卑職所以屢次陳懇不嫌煩瀆幸蒙大人俯鑒愚悃體恤下民札飭祥延兩縣以後無論河口遠近彼此徑送不得再扳封邱更換車馬從此封民得有家室相保之慶無不感戴憲仁奉爲萬家生佛也茲聞延津縣復欲扳拉接遞人犯餉鞘閭邑紳民慄慄畏懼卑職現雖曲爲安撫然不敢不先爲備細陳明以達鈞聽至河口上年雖經祥符議定在柳園口設渡惟本年二月以後該堤頭又挪至陳橋以下延津送差至省如由陳橋過河計程有一百五六十里中間非在陳橋添設腰撥不可若無腰撥凡遇兵差一經繞至敝縣該帶兵官弁卽藉口延祥止發一日盤川不能令車馬人役枵腹從事多方勒索不論情理卽如四月間陳四眼狗檻送京師祥符縣雖遵定章將溜單溜至延津無如該護解官封邱縣續志

頭水手甘結以後渡口祇准挪至辛店口以上不准再往下挪倘該壘頭等再捏稱辛店口以上不能設渡卑職情願帶同封邱閭邑百姓在黑壘口爲其代築埠頭以爲一勞永逸之舉還求大人格外施恩爲民除害此卑職與閭邑紳民所同深頌禱者也肅再覲縷瀆陳載請勛安伏乞慈鑒

同治元年七月初二日

府憲秦 札封邱縣知悉同治元年閏八月初二日蒙按察司札同治元年八月二十日蒙巡撫部院鄭批據封邱縣稟延津縣不遵定章仍將差使送縣請申明定例嚴飭遵辦稟由蒙批查此案甫於上年冬間批司飭府核議查明封邱本非有驛之縣詳請俟後北來車馬差務由延津徑送祥符交替以正驛站倘必須繞道住宿封邱城內則封邱有管轄之責由延祥兩縣先期

封邱縣續志

卷十九

掌故二

十

開封新豫印刷所承印

知會封邱預備公館派撥差保更夫一體伺護所有車馬仍應有驛之延祥兩縣支應不得派累無驛之封邱以免偏累而斷葛藤至柳園口既可設渡請飭祥符縣諭令堤頭提集渡船伺送歸于正站以符定例當經批司轉飭永遠遵辦在案迄今方逾半載官未更易延津縣徐令豈未接奉行知乃於南來一切人犯餉鞘以及兵差軍裝等項差務仍行送至封邱交替實屬祇知利己有意抗違本應卽予糾參姑再從寬仰按察司立即行府嚴行申飭勒令遵照前議妥爲辦理倘再不遵任意推諉卽行據實詳參勿稍徇庇致干併咎並行祥符縣一體知照此繳原稟另單一併抄發等因蒙此查此案前據開封府朱守會同該前府厲守議詳轉請核示當經議定章程札飭遵照在案茲據封邱縣駱令以延津縣不遵定章仍將差使送至該縣交替等

情稟請嚴飭遵辦而延津縣徐令不知己非猶以遞犯藉詞瀆稟實屬故違定章有意推諉本應詳請撤參接奉前因除札飭祥符縣知照外姑再從寬札飭札到該府即將延津縣嚴行申飭並飭遵照前定章程辦理倘再推諉或藉詞瀆稟卽從嚴詳參該府不得稍有徇庇致干併咎並行封邱縣知照毋違計粘抄稟一紙等因蒙此除原稟毋庸抄發外合行札飭札到該縣卽便知照毋違此札

同治元年閏八月初八日

知縣駱文光請飭延祥遞送差使如辛店口不能得涯令改由黑堽口行走以免扳累通稟

敬稟者竊卑職昨因延津縣不遵定章仍欲扳拉封邱接替差使當將此中爲

封邱縣續志

卷十九 掌故二

十一

開封新豫印刷所承印

害情形詳細稟陳並求逾格恩施嚴飭遵辦在案惟查延津祥符驛站差使卽遵定章徑送而河口如任其下移陳橋中間並不添設腰撥卑縣鄉民仍難免累因思尋常走路祇有避遠趨近斷無舍近圖遠之理何況驛站公差摺報往來關係甚重今舍徑直近便之路而必欲遠繞陳橋此豈可以常理論之卑職細加訪察實無他故皆由於堽頭與過載行各分地界彼此把持緣辛店口與黑堽口均有過載行兩口買賣不能相混是以辛店口斷不能歸併黑堽口而黑堽口亦斷不能歸併辛店口卑職上年所稟陳橋辛店黑堽均爲柳園口地界請歸併一處以便往來其勢實有所不能也但該行頭等所把持者買賣耳今併差使亦爲其所把持殊不成事體卑職前因河口復移陳橋延津縣送差至省道路迂遠曾與該縣徐令往返函商該縣徐令亦甚以差使走黑堽口爲

便無如黑堽口堽頭以該處向來不渡官差凡遇延津與卑縣差使行抵河干該堽頭等抗不濟渡上年河帥駐紮卑縣之荆隆工曾札提辛店口大船兩隻令其在黑堽口常川伺應及河帥進省之後該堽頭惟恐差使長由該處過河是以卽將大船放至下游仍歸辛店口其意該處並無大船卽可藉詞不渡官差卑縣雖係沿河而各口皆非封邱地面該堽頭等亦明知無如伊何向來不服卑縣等提調但黑堽口既設有過載行近年過往買賣亦甚興旺乃該行頭等只知牟利巧避官差情甚刁滑卑職每於因公下鄉周歷河干體察河形地勢兼知該行頭等之情僞現在所稱辛店口係在老柳園口之下相去尙不甚遠故河口在辛店左近延津送差至省不過七十餘里一日可以徑達若河口下移陳橋則計程有一百五六十里非在陳橋設立腰撥卽須繞走封邱卑職

再四籌酌此後如辛店口卽柳園口可以設渡自應遵照前任祥符現升開封府朱守原議驛站差使總以辛店口過渡爲準倘辛店口不能得涯該口船支不能不移陳橋則與其在陳橋添設腰撥多費錢糧似應量爲變通改由黑堽口行走以歸便捷查近年辛店口不能得涯之時多則半年少則三月是一年之中改由黑堽行走亦不過三五月極多半年該行頭等既分得河口之利亦當分支官差方爲平允但辛店一口西自卑縣荆隆工起東至陳橋以下遙長四十餘里所有過往貨物皆歸辛店口行頭攬載買賣較多至黑堽口西至卑縣之陡門集一帶所管地面不過十餘里買賣較少今於辛店口不能得涯之時既欲令黑堽口濟渡官差其河岸買賣地面亦當均勻分定庶該堽頭等不至藉口卑縣所管之章城集荆隆工集均有旅店飯鋪該兩處距黑堽口甚近

可以作爲尖宿之所應請自卑縣之荊隆工祥符之順河街起南北兩岸買賣均歸黑堽口攬載並令該過載行幫貼堽頭水手飯食錢文以資糊口其荊隆工順河街以東仍作辛店口地面似此畫定地界明立章程使該兩口行戶堽頭有所遵守以後差使卽無彼此推諉之虞矣此稟本應由延津縣具稟方爲得體無如該縣徐令圖便於私惟恐黑堽有口不能扳拉封邱胡至今未聞該縣以河口繞遠送差不便爲請者殊不知河口卽在陳橋以下卑縣亦不能爲其接遞驛站差使也今再據實稟請大人查核俯賜轉稟臬憲批飭祥符縣酌定地界取具該兩口行戶堽頭遵照甘結以爲一勞永逸之舉實爲恩便肅此具稟恭請勛安伏乞垂鑒

同治元年七月十五日

封邱縣續志

卷十九 掌故二

十三

開封新豫印刷所承印

右文統錄自舊檔卷

河南巡撫部院鄭批准封邱縣非驛路正站往來差使概不准繞至封城更換車馬碑

查汴省驛站北有延津縣之廩延驛南有祥符縣之大梁驛此亘古額設之程途逮自我朝順治年間經前巡撫賈奏定郵政凡公文摺報人犯餉鞘兵差軍裝以及輿蓋往來皆由延津逕送祥符並於柳園口製備船隻濟渡官差延祥兩縣每年有支銷夫馬工料銀兩不准繞道無驛之封邱妄行扳累至於柳園口雖有不能靠岸之時然上鄰黑堽口下鄰辛店口上下三十餘里皆柳園口地界豈盡不能得涯且此數處河口至省多則九十餘里少則七十餘里可以朝發夕至卽或偶遇風雪一日不能逕達中間董家堤有官店飯鋪延祥兩縣

向於此處設立腰撥亦可作爲尖宿之所可謂法良而意美矣故自清初迄今二百餘年河口屢移總不出此三十餘里之內絕未聞有下移陳橋之說詎知咸豐三年河口墜頭及過載行等因陳橋口便於攬載貨物欺瞞上憲捏言柳園口不能靠岸將口下移陳橋朋奸漁利而延津巧避官差藉詞河口遷徙至省一百五六十里一日不能逕達僅送封邱四十五里卽欲交替更換車馬河口地界非封邱所屬無奈伊何但河口下移陳橋其害有不可勝言者不惟路途繞遠河面寬闊且均係河灘荒僻之地村落稀少往來行旅差使無不受其苦累倘有不虞誰任其咎况時遭多故奉調征兵恨不兼程前進救斯民於水火乃本係一站路程分作兩站行走舍近求遠其意何居封邱濱河小邑地瘠民貧忽以無驛之縣支有驛之差民命何堪上違國典下害民生豈非該墜頭

水手擅移河口階之厲哉自咸豐三年以來封邱窮民一聞差至無不魂胆俱消愁苦之聲遍於鄉里幸我駱公印文光於咸豐十年蒞任軫念民瘼將苦累情形備細上達至同治元年閏八月初九日蒙巡撫部院鄭批准歸復舊章無論河口遠近不准繞道封邱此固上憲之鴻恩實我駱公之德澤也恐以後墜頭仍復朦官舞弊下移河口頓改舊章因謹錄原稟批札鳩工勒石并敘其顛末昭示來茲案奉本府憲轉蒙臬憲札開奉撫憲批據封邱縣稟延津不遵定章仍將差使送至卑縣請申明定例嚴飭遵辦稟由蒙批查此案甫於上年冬間批司飭府核議查明封邱本非有驛之縣詳請嗣後北來車馬差務由延津逕送祥符交替以正驛路倘必須繞道住宿封邱城內則封邱有管轄之責由延祥兩縣先期知會封邱預備公館派差保更夫一體伺護所有車馬仍應有

驛延祥兩縣支應不得派累無驛之封邱以免偏累而斷葛藤至柳園口既可設渡請飭祥符縣諭令埧頭提集渡船伺送歸於正站以符定例當經批司轉飭永遠遵辦在案迄今方逾半載官未更易延津縣徐令豈未接奉行知仍於南來一切人犯餉鞘以及兵差軍裝等項差務仍行送至封邱交替實爲祇知利已有意違抗本應卽於糾參姑念從寬仰按察司卽行府嚴行申飭勒令遵照前議妥爲辦理倘再不遵任意推諉卽行據實詳參勿稍徇庇致干併咎並行祥符縣一體知照此繳原稟另單一併抄發等因蒙此查此案前經開封府朱守會同該前府厲守議詳轉請核示當經議定章程札飭遵照在案茲據封邱縣駱令以延津縣不遵定章仍將差使送至該縣交替等情稟請嚴飭遵辦而延津縣徐令不知已非猶以遞犯藉詞瀆稟實屬故違定章有意推諉本封邱縣續志

應詳請撤參接奉前因除札飭祥符縣知照外姑再從寬飭札到該府卽將延津縣嚴行申飭並飭遵照前定章程辦理倘再推諉或藉詞瀆稟卽從嚴詳參該府不得稍有徇庇致干併咎並行封邱縣知照勿違計粘抄稟一紙等因蒙此除原稟毋庸抄發外合行札飭札到該縣卽便知照勿違此札○碑額爲民除害

同治元年歲次壬戌小陽月中浣吉旦閭邑紳民仝立

右文錄自原碑同治元年巡撫鄭令驛站改歸正道不准再繞封邱吾封紳民將駱令原稟及上憲批扎勒石於縣西門外路北濟瀆廟前至民國二十四年該廟地基變爲民有以此碑有礙交通乃就故處仆而掩之現仍存諸地下

欽差吏部左堂署河南巡撫部院張批嚴禁繞道碑

查封邱向來不通驛站凡遇南來北往車馬差使皆由祥符延津兩縣彼此逕送自咸豐三年以後柳園口堤頭水手因貪圖攬載私貨過河可以漁利擅將渡口移至陳橋以下延津縣藉此取巧扳令封民接支車馬以致七八年來騷擾疲敝民不聊生雖官民節次稟訴未蒙明察今我縣尊駱公印文光於十一年春蒞任數問民間疾苦知延祥兩縣驛路不歸正站爲封民之大害痛陳利弊抗申再四先後蒙前撫憲嚴批鄭司議詳飭令延祥兩縣以後仍按正站行差不准繞道封邱更換車馬惟渡口未蒙批定封民終難免累經我駱公以棄黑堽近便之口而必遠繞陳橋以下全係堤頭圖利私心詳奉欽差吏部左堂署河南巡撫部院張批查此案曾經由司核議具詳披閱所議甚爲公允當經前封邱縣續志

卷十九 掌故一

十六

開封新豫印刷所承印

院批飭遵辦在案前據延津縣士民來幟具呈卽經行司查明向章飭辦茲據詳前情仰按察司卽轉飭各該縣遵照前議辦理至口岸嗣後如遇柳園口不能得岸一切差使祇准改由黑堽口行走卽將柳園口大船酌提數隻以資濟渡若黑堽口無岸仍改由柳園口渡河不得任聽堤頭將官渡擅移陳橋並飭永遠遵行以後各該縣倘再任意推諉卽行據實詳參勿稍徇庇切切此繳等因批行到縣我封民仰蒙憲恩永免扳支車馬之累以後延祥兩縣差使並柳園口堤頭自當永遵定章辦理不得擅將渡口改移下游繞走封城謹將原奉憲批鳩工勒石並敍其顛末以示禁約云○碑額嚴禁繞道

同治二年歲次癸亥孟春之月上浣吉旦閭邑紳民仝立

右文錄自原碑驛站於同治元年旣歸正道又恐堤頭擅挪渡口駱令復

稟准上憲擬定官渡封之紳民仍錄原批建碑於縣西關外路北濟瀆廟
與上年所立不准繞道封城更換車馬碑東西並立民國二十四年同時
被仆掩於地下

改訂車馬章程

掌故三

知縣駱文光均定車馬告示

爲均定牌車牌馬以免偏累事照得封邱僻處河濱不通驛站向無差使之累
自咸豐三年以後延津縣藉詞渡口下移板害封邱民接支差使以致八九年
以來閭邑人民陷於水火怨苦無伸核計八九年中支應軍需共已耗費制錢
十萬餘串此皆封邱百數十村小民膏血以供此鐵蹄之擾無怪村里蕭然民
多菜色其支牌車牌馬之戶受害更重從前每馬一匹包給差人代支每年用

封邱縣續志

卷十九 掌故三

十七

開封新豫印刷所承印

錢不過四五千每車一輛每年用錢不過十八九千今每車一輛已增至三十
餘千牌馬則每匹卽出錢三四千亦無人包支矣窮瘠小民何能當此重差
且查乾隆五十九年前縣陳公編定牌馬一百五十匹牌車一百七十二輛以
牌馬重於車差各社紳民多將牌馬改成折價則實數牌馬僅剩五十餘匹殊
不知牌馬愈少差使愈累其在鄉下戶人避重就輕甚至賄囑里書隱寄戶名
以買作當希圖免支車馬此等情弊總由於差使繁重之故無從深怪而獨怪
前此爲宰者不知爲百姓除害乃任意批改定章不顧窮民之命脈亦可爲不
達政者矣本縣到任之始卽欲爲之改定後因此中所關利害甚大况延祥兩
縣驛站不歸正道封民終難免累若不塞其源而徒欲絕其流於事無補也是
以先將驛路未歸正站萬民受害情形委曲上達先後蒙撫憲

嚴

批准以後北

來差使概由延津逕送祥符南來差使由祥符逕送延津不准繞道無驛站之封邱希圖更換車馬等因惟河口尙未批定本縣又將柳園口一年之中不能不有挪移之時與其下挪陳橋道遠且長何如上提黑堽逕而且使詳細稟陳茲於同治二年正月二十二日蒙欽差吏部左堂署河南巡撫部院張批云云等因蒙此查延祥驛路既奉批定改歸正站河口亦不准再往下挪移從此封民可以不受車馬之害至尋常例行之差一年所用車馬有限然不酌定數目則多用少用漫無限制本縣現定以後無論牌車牌馬每地一頃支牲口一個每年交喂養錢四千八百文並自本年二月初一日爲始由各社首次戶按牌收齊發交六班總役代爲支應並將以後差使如何應付酌定條規刻石大堂以垂永久似此明定章程庶該紳民等永遠有所遵守且車馬價歸於一律不封邱縣續志

致再受偏累至前重修城工並興建書院義倉實爲封民開千百年之利今改正驛站均定車馬更欲爲封民除千百年之害然此皆本縣職分內應辦之事爾紳民人等不必以此爲本縣之恩德但各以本縣之心爲心讀書者當志在聖賢種地者當早完國課爲工爲商者當各守禮法勿作非分之想共敦仁義之風從此地方民生日有起色本縣實有厚望焉合行出示曉諭閭邑紳民人等一體遵照毋違特示

同治二年正月 日

知縣李永吉更訂車馬通稟

敬稟者竊卑縣地處偏隅未設驛站自延津渡口遷徙以來幾同衝要往來差使絡繹既無驛站即無留支從前係臨事攤派胥役舞弊浮收苦累閭里乾隆

年間卑前縣陳令所蘊創訂牌車一百七十二輛牌馬一百五十四匹輪流供支雖係按地攤派因設立太驟無暇致詳戶總紳耆之刁狡者往往隱匿地畝以多報少遂致輕重失倫有大相懸絕者迨行之年久既誤於寄莊戶之一概免差則寄莊之地幾居合境十分之三又誤於優免過濫凡湊捐之末職經書之附卯不特免及本身地畝且包攬族戚逮及孫曾因優免之地日見增益復誤於沙壓減則等項地畝一經具報未卽履勘卽行豁除於是車馬差事有加而應差之地畝日少迄今原設車馬之數減去四分之一小民供支車殆馬煩不堪其擾於是折價於差役之手苟且補苴其累逾重尤可異者地方公舉如義學等項經費無出無一不於車馬折價內支給甚且下逮醫學相禮生居然每年車若干輛馬若干匹以爲陋規隨時向民間支取現在約略計之每地一畝

強者年應攤錢一百六七十文弱者倍之良民之脂膏幾何豈能堪此剝削卑前縣各令非無有心卹民之人無如窟穴其中取巧避匿或因以爲利者甚多一聞縣中核及車馬遂環起而攻或捏詞上控或匿名揭帖務令其畏沮而後已以故歷任視爲無可如何之事從不敢輕議舊章卑職於上年八月履任正值災荒地方之凋敝民力之困疲鄭圖難繪而車馬之煩攪如故午夜疚心不安寢饋數月以來詳確體訪悉心核度竊擬更張刪減以甦遺黎前於荆隆工次兩次趨謁本道憲均蒙殷殷以車馬苦累爲囑卑職卽因剴切面述奉飭詳計地畝妥立章程聽候酌定查卑縣編分二十六社共地六千頃有奇除天鵝等六社向不支差外餘二十社其中地畝如寄莊優免沙壓減則等項若必逐一清理明確有需日時倒懸之民恐難姑待應暫行提出另辦計實在當差地

僅三千九百四十八頃三十二畝八分七厘竊計現存牌車一百九輛牌馬九十九匹近來一月間或二三週以地畝之數酌計差使車馬之數擬定每當差地一畝每一季出車馬差錢十文遇閏加增三文所有牌車牌馬運送餉鞘獄囚之牛驢車及防汛等項需用貼號馬號草各項向有支應一併在此數內其車馬差事向歸兵書差役承辦者現在城內設立車馬局以正派紳士十二人三人輪值一季坐局承辦差錢各歸各社紳董按季督飭戶總地方庄頭催收彙運城局支用勒定日期據憑收條並在此每畝每季十文數內提出錢三文以二文爲各社催收飯食運脚雜用約計每社每季僅應錢三十餘千文似難減少以一文爲城關公局紳董火食雜用將原有陋規公舉逐一審定可免者免之有他項可籌者易之其實在不能全免者酌量減少擬定數目卽在此一

文數內隨時由公局支給裨伊等各有所獲不致日久另生枝節阻撓貽累而差事亦得辦理裕如卽以本年四月初一日改照新章辦理現遵本道憲函囑詳開地畝酌擬章程申請審定後錄呈憲鑒所有卑縣車馬累民最深現擬酌量更定大概情形合肅馳稟大人俯賜察核訓示肅此具稟恭請助安伏乞
垂鑒

光緒五年閏三月二十一日

府憲李 札封邱縣知悉光緒五年閏三月二十九日蒙按察司批該縣稟支應車馬累民最深現在酌量更張大概情形稟由蒙批據稟酌改車馬章程較往年減去十分之七權衡輕重審定得宜既不使有偏累復能支應裕如籌畫周詳足見良有司一片恤民之誠深堪嘉尚仰衛輝府卽飭認真辦理實力照行並將設局日期及所定章程開摺報查仍候撫憲咨藩司批示繳

等因蒙此合行札飭札到該縣立即遵照擬示認真辦理實力照行並將設局日期及所定章程開摺通報查核毋違此札

光緒五年四月初九日

知縣李永吉刊定車馬告示并章程十二條

照得律垂雜派勞民易致累民政貴持恆守法難於變法封邑車馬差徭自乾隆年間創立牌車牌馬後行至年久弊竇滋生紳民深爲苦累光緒四年秋本縣受篆目擊情形測然五內爰確切體訪並進合縣紳耆委婉籌商酌量更訂呈蒙河北道憲吳復加酌核稟奉巡撫部院涂批據稟該議章程逐加釐定分條縷晰妥洽詳明具見不避嫌怨實心任事仰按察司移知河北道迅飭封邱縣嗣後一應差務遵此次定章永不准於額外浮派分文俟辦滿一年後核計

封邱縣續志

卷十九 掌故三

二十一

開封新豫印刷所承印

盈餘究省若干或提充公用或量予酌減由縣稟核奪此繳遂於五年四月一日設局遴紳試辦茲據各社紳耆合詞請給示諭並釐章刊石以垂久遠除章程頒發另刊外合行示諭爲此示仰合縣紳民知悉爾等各有地畝卽各有差徭以今視昔輕重何如繁簡何如有識者自辨之雖然利弊之機自相倚伏本縣現定章程決不謂百利必無一弊所望後之主持徭政者相時籌酌於上在事紳董悉心稽查於下於以剔弊存利則此章程庶永垂不朽特示

刊定車馬章程十二條

一按閭縣人戶凡一戶有當差地在十八畝以上者每一畝一季出錢十文八十畝以下至二十畝者九文二十畝以下至三畝者八文閏月加增三文三畝以下赤貧小戶免派惟免派貧戶地在一社之內一百頃中不得過兩頃

以杜隱射向有牌車牌馬牛驢車貼號馬號草及年例歸書吏經收之烏鎗結蝗蝻結牛羊票監牆棗刺保甲門牌奏銷冊費賦役全書老人冊費謄錄費概行蠲除永不許於額外再行浮派分文並將車馬牌調回銷燬

一城關設立車馬公局於支差二十社內各社遴選公正紳耆一人辦理收發錢文支應車馬五人合辦一季所有差錢仍按春秋二季交納於前項內每畝提錢一文由公局支銷其各社收錢專歸庄頭各收各庄隨時交局社長不時稽查戶總地方輪流往催准於各該社所收前項每畝提錢二文以充該社社長庄頭運脚戶總地方飯食雜支

一向章聖賢後裔並文官至三品以上武官至提鎮及文武進士舉人拔貢方准優免且以二頃爲則所免僅及本身此後應遵定例辦理遇續請優免者呈縣驗明本身管業契約並註明官階科分的名以備稽核如係同族或微職及各衙書吏無案據並沙壓減則地未經呈縣履勘確實通詳立案者均不准濫免至本籍人戶地在本境人戶暫寓外境或別籍人戶移住縣境置有地畝均不准以寄庄混免

一業戶完納差錢准於季首一月內陸續繳齊該庄頭收錢運交城局不得過十日運交時將該社地畝總數收錢總數提出二文錢若干作何支銷實存錢若干開單俱報城局如戶總人等狃于積習於飯食錢內爭就多寡或庄頭怠忽不催公局紳董稟究業戶抗繳者庄頭儘所收錢依期運局並開單註明下欠數目送交公局紳董轉呈由縣飭差挨催

一差事應用車馬縣中核實填單送公局支發按季清算賬目春季以四月初

六日夏季以七月初六日秋季以十月初六日冬季以次年正月初六日將
公局支存錢數賬目分開清單送縣核明分別榜示存案

一業戶地畝以每季季首現有多寡爲定無論賣當質押代種概歸業人出給
不准推諉如業戶將實有地畝隱多爲少戶總人等將他人地畝指少爲多
該社紳董據實稟究扶同徇隱者設被告發並干重處

一留儀東姜兩社現行章程每社支馬一匹每年各繳錢二十千文與南邢天
鵝兩社四社各支貼號馬三匹每年每匹交錢四千文今仍按季由四社戶
總催交公局其車馬差徭與黃陵辛口二社各因黃水成災地被沙壓向不
支辦應暫照辦此後如勘出地畝復原仍應照章支差別社沙壓被災之地
亦照此一律辦理

一封邱素無驛站南北往來差事咸豐十一年間前縣駱文光稟奉前撫憲批
准由祥符延津兩縣徑送交替不得繞送封邱無驛地方如必須繞道縣境
亦由祥延兩縣先期知會預備伺應其車馬仍應有驛之縣支應等因現在
復經本縣申明舊章稟奉撫部院涂批飭轉行祥延兩縣一體遵辦不得再
違定章致滋擾累至委員到境奉文止准支車一輛局中應用車馬自行置
備不打過站

一義學經費向於地租外每年有牌車牌馬折價之項以資津貼今改定義學
城關一處四鄉各一處共五處每一處每年學師修脯錢八十千文正義書
院敦請山長一位每年束修膳敬錢共三百二十串均由公局紳董各按季
支發義學原有地畝由公局提出收租另作善舉公局紳董每一人一季准

開銷飯食烟茶錢三十串局中人役及紙張筆墨等項一季准總共開銷錢三十串按月支給

一兩儒學營汎典史相禮生奉本道憲核定如有因公須用車馬准由局酌給車輛馬匹至縣兵書並六班差役管車馬家丁均各有扣雇車馬辦差催錢等事兵書每月支飯食筆墨紙張錢十六串六班差役每班每月准支飯食錢十千家丁每月准津辦差錢八千文防汛運漕貼號馬每年按向章支雇備民馬錢二百八十串號草每月支草錢七十二千文此外不得濫支

一每遇鄉試之年凡縣籍應試士子每人給賓興錢二串文卷費錢三百六十文由公局紳董於科場前帶錢赴省按名給發至縣中辦差赴鄉貼告示訪聞每張索錢二百文此錢聞係分攤花戶嗣後告示公局紳董專人分送此

項錢永遠革除

一現值定章伊始車馬均需雇募需費較繁俟此章行至一年後儘餘存錢文購辦車馬車馬既備經費較減應如何斟酌審定另行稟辦

光緒五年七月二十二日

委員鄭炳章知縣李景晟會議改訂車馬新章稟

敬稟者竊卑職炳章接奉

臬司支應局

會札委赴封邱等縣查照憲台札飭整頓車

馬辦法會同印官傳集紳首詳晰妥議稟候核辦等因蒙此遵卽束裝馳抵封邱縣會同卑職景晟查得卑縣車馬迭經委查核減提解出多入少歷年入不敷出均經按季造報稟明有案奉委前因會同傳集紳首連日磋商與無可核減之中力求核減之法謹將籌議情形爲憲台縷晰陳之查卑縣車馬入款向

係按地攤派自光緒五年七年九年十三年三十年迭次委查議減議提已無弊竇現在係按上中下三等收錢十畝以下之小戶免攤三十年收錢六千八百串零八千零三十一年收錢六千五百三十七千零三十二年連閏收錢六千三百五十五千零出款三十年連彌補二十九年不敷共錢六千八百餘千文三十一年共錢六千六百零九千零三十二年連彌補三十一年不敷共錢六千四百一十四千零核計皆係入不敷出按季造報有案係官督紳辦現經籌議按地收錢與按糧收錢雖稍有未符然按地收錢係出自地多之戶十畝以下小戶卽不令攤若改按糧勻攤則十畝以下之小戶亦應攤派而地多之大戶反行減少似非憲台安民除弊之本意應請仍照舊章辦理以恤小民又應付流差歷年查辦業已整頓盡善定章除非尋常所有之大差用車百數十

輛者隨時攤辦外日行流差必須將印札信票溜單傳牌同縣署印票送局按照官階填明數目方准應付出賬凡無印文委員及幕友家丁局紳書役一概不准支應其因公下鄉相驗並解款赴府赴道赴省及實有應辦公務如查稅鎮會同城營典儒學會哨緝匪查學等項暨署代實任交替所用之車亦係定有數目不准濫支按季分款造報核與憲台現定辦法相符仍請照舊核實辦理毋庸改章又開支查卑縣車馬光緒五年以前每年收錢在一萬以上迭次核減現在實收不足七千串除學堂提用每年共錢六百六十餘串文現係全數照支另稟有案其局費書差飯食禮生飯食號草等項每年共用錢一千九百三十六串文自三十年起每年於此項雜支內提解三百千文因籌辦習藝所於差役飯食項下提錢一百千文又因學堂經費支絀亦在差役飯食內提

錢一百八十千文除提扣外實共雜支錢一千三百五十六千文又每年應付車馬約共用錢四千餘串文現議統按八成半支發每年約可核減錢七百餘串文至雇車價值雖係稟定章程而現奉憲台嚴核自當力求樽節不得以鈔料昂貴雇覓爲難飾詞推諉倘遇歲歉年荒實有不敷再行由縣隨時體察稟請酌增現在所議核減一成半支發之款應於季報內聲明提扣數目另款存儲聽候撥用又從前車馬入款有餘每遇鄉年分向有文武賓興費三百餘千文稟明准支勒石有案自科舉停廢車馬入款核減此款已成虛設並無開支現據紳首稟請擬將提扣之款撥歸學堂以便推廣學額改良師範添設季攷花紅以示鼓勵並將原提歸學堂差役之飯食錢一百八十千文撥還統行歸入習藝所作爲推廣常年經費添設藝徒名數加習藝科如此則學堂每年可添經費四五百千習藝所亦可添一百八十千文改良整頓易於著手於學界工藝均有裨益似與憲台以議減餘款留辦地方公益整頓之意相符可否准行於光緒三十三年十二月初八日會稟司局核示飭遵在案茲於三十四年三月十一日蒙支應局批據稟已悉查各印委會稟到局均應各通稟撫憲聽候示遵茲據來稟並未稟明撫院殊屬疏忽合極批飭仰該印委迅卽遵照通章限十日內稟明撫憲聽候批示飭遵毋再違延致干詳懲切切此繳等因理合遵照補稟大帥查核訓示飭遵實爲公便再現議核減新章謹俟奉准之日作爲實行以清界限而便造報合併聲明肅此恭請勛安伏乞垂鑒

光緒三十四年三月十二日

府憲口 札封邱縣知悉本年三月二十九日蒙巡撫部院口批本道稟遵批

示飭據該縣籌議更定車馬章程覆核均尙妥協可行開摺稟請立案稟由
蒙批據稟已悉該縣現定車馬新章既均妥協可行自應如稟立案以垂久
遠仰卽轉飭知照此繳摺存等因蒙此合亟錄批札飭札到該縣卽便遵照
辦理毋違此札

光緒三十四年四月初九日

右文統錄自舊檔卷

